

IXCARTA SAN PABLO NIMA CATZOKNILH EFESIOS

Pablo çahuní kalhén cristianos xalac Efeso

1 ¹ Aquit Pablo tí Dios lîlhcânîť naclîťanú ixapóstol Jesucristo tí nalîchihuínán. Cçamalakachaniyán jaé carta huixín tí çalacsacnîťan Dios naliscujátit y lipahunátit Cristo Jesús nac çachiquín Efeso. ² Quintîcucán Dios y Quimpuchinacán Jesucristo cacçxilhlacachán y cacamaxquín lipaxáu latámat.

³ Dios Ixticú Quimpuchinacán Jesucristo laťa nac akapún quincçxilhlacachinîťan quincalakalhamanán nîťú nalîpuhuanáu nac quinacujcán tí lipahunáu Cristo. Capaxcatcatzîńîťú tú quincamaxquiyán ⁴ pues antes natlahuá çaquilhtamacú Dios quincalacsacni tí ama tatalakxtumiyáu Cristo xlacata namacuaniyáu y nachanáu ixlacatîń Dios nîťú quinkasatcán. ⁵ Laťa makasá quilhtamacú xlá quincalakalhamán y quincalîlhcán ixlihuak ixnacú naquincalîmanuyán ixcamán tí ama çalakmáxtú Jesucristo. ⁶ Capaxcatcatzîńîťú ixlîťlán la masîńîť quincalakalhamanán y quincçxilhlacachinîťan tí tatalakxtumîńîťáu Ixkahuasa tí lakalhamán.

⁷ Hasta lîmákxtakli canîlh Ixkahuasa xlacata nataxtuniyáu y naçxiláu la quincalakalhamanán quincamatzankenaniyán quintalakalhîńcán.

⁸ ¿Ticu nî acxcatzîńîť la masîńîť lanca ixtalakalhamán Dios? Xlá quincamaxquîńîťan lîskalala y tancs talacapastacni ⁹ namakachakxiyáu tú tzeķ laclhcânîť quilacatacán xlacata nacatziyáu la quincçxilhlacachín laťa makán quilhtamacú. ¹⁰ Acxni nachán quilhtamacú Dios huak ama makantaxtîťú tú laclhcânîť y laťa tú anán nac akapún y nac çaquilhtamacú ama makamahlhtîńán Cristo xlacata namapaksîńán.

¹¹ Laťa makán Dios quincalacsacni aquín judíos tí ama tatamaklhtîńán Cristo tú natalîpaxahuá, xlá lálhcâlhl quilacatacán tú lacpúhualh maş quincaminîńiyán tí amán lipaxahuayáu tú malacnîńîť.

¹² ¡Capaxcatcatzîńîťú Dios ixlîlanca ixtalakalhamán la quincçxilhlacachín aquín tí xlahuán lipahuáu Cristo tlan quincalakmáxtuyán!

¹³ Huixín tí nî judíos na çhuná acxni kaxpáťťit lipaxáu ixtachihuín Dios la tlan taxtuniyátit, lipahuántit Cristo; xlá çamalakachanín Espîřitu Santo la malácnuľh xlacata nakalhiyátit la aktum sello y nacalîlakapascanátit lîtapaksiyátit Dios. ¹⁴ Dios quincamaxquîńîťan Espîřitu Santo xlacata nî naťťzonksuayáu amán maklhtîńanáu tú çamalacnîńîť ama çamaxquíť tî taçanajlanîť ama çalakmáxtú, xlacata çhuná tlan nalakachixcuhuicán canîcxnihuá.

Pablo çalikalhtahuaká cristianos

¹⁵ Aquit acxni ccátzilh la tancs lipahuanátit Jesús huixín xalac Efeso y la çalalhamántit huak ixcamán Dios tí çalacsacnit, ¹⁶ ni climakxtaknit cçalikalhtahuakayán ixlacatín Dios y çpaxcatcatzíní tú tlahuanit milacatacán. ¹⁷ Cmaksquín lanca Quintatajcán Dios Ixpuchiná Jesucristo cacamaxquín liskalala nac mintalacapastacnicán xlacata nacatziyátit lata tú laclhcanit milacatacán y namakachakxiyátit la çalalhamanítán, ¹⁸ y cacamalakachánin ixtaxkáket nac minacujcán xlacata nacxilhlacachipinátit tú pat maktlhtinanátit astán, la lipaxáu ama camaxquiyán tú camalacnüninít tí çalacsacnit ama çalalhamán. ¹⁹ Xlitlihueke Dios nití macchaní y quincamasiniyán aquín tí lipahuanáu y lilacahuanánáu tú tlan litlhuá ixlitlihueke ²⁰ acxni malacastacuánilh Jesús nac çalinín y limákxtakli catahui nac ixpaxtún ní natamapaksinán nac akapún ²¹ xlacata natalakachixcuhuí huak tí tamapaksinán ixlitlanca akapún, tí tamakantaxtí tú çalilhcanit Dios, tí takalhi litlihueke, tí tacpuxcún tú lama çaquilhtamacú, y lata tú lactzó o laclanca huí juú çaquilhtamacú y alacatunu çaquilhtamacú. ²² Dios limakxtaknit Cristo camapáksilh lata tú anán y na limakxtaknit cacapúxculh huak cristianos tí çalacsacnit natalipahuán. ²³ Porque namá tí talipahuán Cristo talitanú ixmacni çatum cristiano y Cristo litanú ixakxaka huá tlan çalimaxquí çatum tí talipahuán tú tamaclacasquín nac ixlatamatcán.

Dios çaxxilhlacachán cristianos

2 ¹ Xapulh quilhtamacú huixín Dios çalimanünitán la xanín porque ni ixputzayátit nalipahuanátit ixlipinátit lhuhua tatzacatni y talakalhín nac milatamatcán; ² ixcamatlahuinitán tlajaná tí mapaksinán çaquilhtamacú y huixín ixkaxpatátit tú ixçahuaniyán namá tí talapulá nac ni tlan un, xlacán tahtlakahuacá cristianos catakaxmatmákalh Dios. ³ Milh quilhtamacú huak aquín na chuná ixlamanáu, ixtakokeyáu tú ixquincamatlahuiyán ni tlan quinkasatcán, ixtlahuayáu tú ni tlan ixquincamacxcatziniyán y lata tú lixcájnít ixminachá quintalacapastacnicán huá xlacata ixliminíní naxokonanáu la xamakapitzi.

⁴ Pero ixtalalhamán Dios quincaxxilhlacachín y xlacata nacatziyáu la quincapaxquiyán ⁵ masqui caj xlacata quintalalalhincán ixlitanumanáu la xanín xlá quincamaxquín sasti latámat caj xlacata lipahuanáu Cristo. Dios quincalakmaxtún porque quincalakalhamán ⁶ hasta ama quincamalacastacuaniyán çalinín na chuná la malacastacuánilh Cristo y nac akapún ama quincahuiliyán nac ixpaxtún Cristo ⁷ xlacata tlan namasí canixnihuá quilhtamacú la tacámajli nac ixnacú quincaxxilhlacachín aquín tí quincalakalhamanán caj xlacata

lipahuanáú Jesús. ⁸ Huixín taxtunítit porque Dios caxilhacachín y huixín canajlátit tú camalacnúnín, nítí tipuhán tlan catzí huá lilakalhámah Dios, tó, iquintapaxahuancán Dios quincamasquiuhunitán!
⁹ Nítí titalactlancán napuhán tlan cristiano huá lilakalhámah Dios.
¹⁰ Dios quincatlahuán y quincamacamastán ixmacán Cristo xlacata natlahuayáu tú tlan lacasquín Dios y chú tiláclhcalh lata makán quilhtamacú.

Tí nī judíos ixcalīmacancán laclīxcájnit cristianos

¹¹ Calacapastáctit huixín tí nī judíos xlacata milh quilhtamacú acxni namá judíos tí tacircuncidarlanīt nac ixmacnicán xlacata natasí ixtalipahuán Dios, nī ixcaçxilhputunán ixcalīmanuyán laclīxcájnit cristianos tí nī ixtalipahuán Dios. ¹² Caksántit la amá quilhtamacú nī ixlakapasátit Cristo, nī para ixcatatalakxtumiyátit judíos xalac Israel, nī para ixcatziyátit tú malacnunit Dios ama camaxquí ixcamán, nī ixacilhacachipinátit tunu lipaxáu latámat. Huixín nī ixkalhiyátit xastacnán Dios tí nalipahuanátit caquilhtamacú. ¹³ Pero chí caj xlacata Cristo nilh nac culus tlan malacatzuhuiyátit Dios huixín tí mákat ixlapulayátit.

¹⁴ Cristo quincamalacatlanín ixlacatín Dios pues quincamalaxxtumín aquín judíos y huixín tí nī judíos la putum cristianos, lactláhuah tú ixquincamatunuján xlacata nī nalacxilhputunáu. ¹⁵ Xlá litamáxxtakli naní xlacata judíos tí tamakantaxtí ixley Moisés yaj natasitziní tí nī judíos nī tamakantaxtí xlacata acxtum nataracxilhlacachán la litacamán; Cristo camalakxtúmīlh xlacata yaj taratzonkcatzaní. ¹⁶ Huá tlan calixapaninīt ixtalakalhincán nac culus nīma ixtalín ixlacatín Dios xlacata tlan acxtum natamalacatzuhuí. ¡Nac culus malakspútulh ixtasitzicán tí nī ixtaracxilhputún! ¹⁷ Cristo milh cahuaní la natataralín Dios namá tí nī judíos makat ixtalapulá y na chuná judíos tí lacatzú ixtalapulá ¹⁸ xlacata la aquín y la huixín nakalhiyáu licamama malacatzuhuiyáu Quinticucán Dios pues huata chatum Ixespíritu Dios tí quincamaxquín litlihueke.

¹⁹ Chí huixín yaj litanuyátit la xala mákat cristianos o la tí caj tamakchán alacatunu putáhuilh, tó; chí huixín litanuyátit la catihuá cristiano tí talipahuán Dios y na litanuyátit ixcamán Dios tí calacsacnīt. ²⁰ Huixín tí lipahuanátit Jesús camán calīmalacastucán la aktum áxxtaka tí tamalacatzúquīlh apóstoles y profetas y nac ixchastún la xachaya yá Jesucristo ²¹ xlacata aná natzincasnankoyáu chatunu aquín tí malakanuyáu ixpusiculan ní lakachixcuhiucán Dios. ²² Chatunu aquín tí lipahuanáu Cristo quincalīmanuyán ixchic nīma tlahuanīt xlacata aná nalatamá Ixespíritu Dios.

Dios l̄ilhcañit Pablo nacamaqh̄in̄it quilatámat Cristo ctanuma

3 ¹ Aquit Pablo tí cmacam̄xqūin̄it quilatámat Cristo ctanuma cpulach̄in̄ caj xlacata ccalakalhaman̄n̄ huixín tí n̄i judíos. ² Cpuhuán catziyátit lā quiacxilhlacáchilh Dios quilakalhámalh xlacata naccamaktayayán huixín. ³ Aquit ccahuaniyán tziná lā quimacxcat̄in̄ilh tú tzēk ixlachcañit milacatacán, ⁴ para tlan̄ l̄ikalhtahuakayátit pat catziyátit xlacata tancs cmākachax̄in̄it tú xlacata l̄in̄ilh Cristo nac culus. ⁵ Dios n̄i tancs camas̄in̄ilh xalakmakán cristianos jaé tú tzēk ixlachcañit, pero chí Ixesp̄iritu cam̄xqūin̄it ixtaxkáket apóstoles y profetas tí calacsacñit natal̄iscuja. ⁶ ¡Cakaxpáttit! Dios láchlchalh tí n̄i judíos tlan̄ ama tatapaxahuá judíos para tacanajlá lā malacn̄un̄it ama calakm̄axtú cristianos xlacata tlan̄ natal̄itanú lā lit̄acamán y quilhpaxtum natamaklhtin̄n̄ tú malacn̄un̄it Dios ama cam̄xqūi tí tal̄ipahuán Dios. ⁷ N̄i ccatz̄i para aquit ixquilakchán, pero Dios quiliacxilhlacáchilh ixl̄it̄ihueke y quilimákxtakli nacmākantaxt̄i jaé tascújut. ⁸ Aquit mas̄ xapakstán cl̄itamákxtakli tí calacsacñit Dios, pero xlá quisipaacxilhn̄it y matl̄án̄ilh aquit naccahuaní cristianos tí n̄i judíos xlacata n̄it̄i macchaní tú mastá Cristo. ⁹ Quilimákxtakli naccam̄xqūi taxkáket natamakachaxkí cristianos tú tzēk lachlcañit makán quilhtamacú Dios tí tláhualh lāta tú anán caquilhtamacú, ¹⁰ xlacata tí calakm̄axtulh Cristo tlan̄ natamas̄in̄i lactalipau y lacl̄icuánit mapaks̄inan̄in̄ tí talam̄ana ixl̄it̄ilanca akapún, huak laclanca ixtalacapastacni Dios lā láchlchalh nacalakm̄axtú cristianos. ¹¹ Ch̄u láchlchalh makán quilhtamacú y chí makantaxt̄in̄it Quimpuchinacán Jesús. ¹² Aquín tí canajlayáu quincalacat̄itayan̄itán Cristo yaj jicuanáu malacatzuhuiyáu y tachihuinanáu Dios acxni tú liakaxculiyáu. ¹³ Aquit ccahuaniyán n̄i cakatuýuntit caj xlacata cakxtakajnama milacatacán, pues chuná ccamalacahuanimán lā ccalakalhaman̄n̄.

Pablo cal̄ikalhtahuaká cristianos

¹⁴ Acxni clacapastaca tú tlahuan̄it Dios Ixt̄icú Quimpuchinacán Jesucristo aquit ctatzokostan̄i xlacata naclakachixcuhú ¹⁵ porque huá malakahuan̄in̄it lāta tú anán nac akapún y nac caquilhtamacú. ¹⁶ Como ccatz̄i n̄it̄i macchaní ixl̄ilanca ixtalalakhamán, aquit cmaksqūin̄ cacalim̄axqūin̄ Ixesp̄iritu l̄it̄ihueke y l̄icamama nac mil̄istacnicán ¹⁷ xlacata tí lipahuan̄atit Jesús tlan̄ nalatamá nac minacujcán y nicxni calim̄axtáktit lapaxquiyátit ¹⁸ xlacata huak tí tal̄ipahuán Dios nalacxilátit lā lit̄acamán. Huata chuná tlan̄ namakachaxiyátit ixl̄ilanca ixtalalakhamán Cristo n̄im̄a malakachá, tutzú, talhmán y ixl̄it̄ilanca caquilhtamacú. ¹⁹ ¡Makatljá lāta tú lakapasáu y lilacachanáu! Aquit cmaksqūin̄ camaklhcatz̄ítit jaé talakalhamán xlacata Dios nakchipá mintalacapastacnicán.

²⁰ Aquit cpaxcatcatzíní ixlilanca Dios tí kalhí lītlihueke tlan tlahuá mas tú aquín nī para maksquináu o nī para lacpuhuanáu porque xlá quincamaxquinitán lītlan namaksquináu ixlītlihueke.

²¹ ¡Calakachixcuhuíu Dios canicxnihuá quilhtamacú y na chuná Jesucristo tí quincalakmaxtunitán aquín tí lipahuanáu!

Pablo camaksquín cataralakalhámalh cristianos

4 ¹ Aquit ctanuma cpulachín caj xlacata Quimpuchiná Jesús, pero ccaastacyahuayán calatapátit la camininí natalatamá cristianos tí calacsacnit Dios. ² Nī calactlancántit, tlan cacatzítit, y calacxilhlacachipítit lapatiníyátit tú catlahuaníyátit para xlicana lalakalhamanátit. ³ Nīcxi tunuj túnu cataxtútit xlacata Espíritu Santo nacakskalhlinán lipaxáu calitlán nalatapayátit. ⁴ Chatunu aquín litanuyáu ixmacni chatum chixcú y huata Cristo litanú ixakxaka, huata kalhiyáu chatum Espíritu tí quincakskalhlinán, y huata acxilhlacachánáu tipatum tapaxahuán nīma quincamalacnunicanítán. ⁵ Huata kalhiyáu chatum Quimpuchinacán, huata huí tipatum tapaxahuán la nalipahuanáu, huata lakapasáu tipatum takmúnut, ⁶ huata kalhiyáu chatum Quinticucán Dios tí camapaksikó huak cristianos y camaclacasquín lata lacasquín y catalama chatunu cristianos.

⁷ Pero Cristo quincamaxquinitán chatunu quintascujutcán nīma lacasquín namakantaxtiyáu. ⁸ La huan nac Escrituras:

Acxni tácxtulh nac akapún cālilh tí la tachín ixcalikalhicán, y camáxquilh ixtascujutcán cristianos.

⁹ Jaé huamputún xlacata namá tí tácxtulh nac akapún pula táctalh nac caquilhtamacú ní huí tú lixcájnī. ¹⁰ Para tlan táctalh nac caquilhtamacú, tlan tacxtupá nac ixlītalmán akapún xlacata namakahuanikó ixlītlihueke ixlītlanca caquilhtamacú y akapún. ¹¹ Xlá camáxquilh chatunu ixtascujutcán: makapitzi camáxquilh lītlan natalitanú apóstoles tí natalichihuínán, tunu camáxquilh lītlihueke natamacxcatzíninán ixtalacapastacni Dios, tunu camáxquilh talacapastacni natalichihuínán la tlan tataxtuní cristianos, tunu calílhcalh natacpuxcún cristianos, y tunu calílhcalh natamasí ixtachihuín Dios. ¹² Xlá camáxquilh talacapastacni namá tí calacsacnit xlacata natamakantaxtí la lachcanit natalatamá tí talipahuán Cristo, y chatunu tí talitanú ixmacni Cristo tlan acxtum nataramaktayá, ¹³ hasta nachán quilhtamacú acxni huak tí lipahuanáu Cristo nakalhiyáu tipatum talacapastacni y nacatziyáu ticu namá Ixkahuasa Dios, namacchaniyáu talacapastacni, namakachakxiyáu ticu namá lanca chixcú y namaklhcatziyáu nac quinacujcán tapaxahuán la quincacxilhlacachín Cristo. ¹⁴ Entonces yaj amán layáu la lactzú camán tí tzapu tzápu talakxtapalí ixtapuhuancán, nī tuhua tacanajlá tí camasiní tunuj takalhchihuín y nī para taklhuuatnán tacanajlá tú

tahuán makapitzi akskahuinanín. ¹⁵ Amán maḱachakxiyáu talacapaṣtacni la nalaḱalalhamanáu pues miníní namaḱachakxiyáu huḱ ixtalacapaṣtacni Cristo porque huá akxaka tí liṭanuyáu aquín ixmacni. ¹⁶ Y mientras Cristo camapaḱsima nahuán lactzu lactú tú lilaknú ixmacni nítú kalhtaṭú porque huá catzí ní tamacuán chaṭum chaṭúm. Para chaṭunu maḱantaxí ixtascújut nima lilhcaṇit huḱ taramacuaní pues taramaktayá xlacata natamaḱachakxí la nataralalhamán.

Tí talipahuán Cristo talakxtapalí ixlatamaṭcán

¹⁷ Aquit cliquilhán Quimpuchinacán tú cama caḱhuaniyán: yaj calatapátit la namá tí ni talakapasa Dios y tí ni tancs talacpuhuanán.

¹⁸ Ixtalacapaṣtacnicán la capaklhtutá takalhí, ni talakapasa lipaxáu latámat nima mástá Dios porque nítú tamachakxí y la lakatzín talamana. ¹⁹ Namá cristianos yaj talacamaxanán, italaktzankanít! Talakatí talitlhuá ixmacnicán laṭa tú lixcájnít camalacpuhuaní ixtalacapaṣtacnicán.

²⁰ Pero huixín ni lá camakslhuekeyátit porque Cristo ni chú camasíninitán. ²¹ Para xlicana kaxpatnitántit tancs ixtachihuín y catziyátit la lacasquín natalatamá tí talipahuán, ²² chí tuncán caṭzonksuátit xapulh milatamaṭcán, catramakántit namá lixcájnít minkasatcán nima camalaktzankenítán y camatlahuinitán tú lixcájnít. ²³ Yaj caklhuuatnántit calakxtapalítit milatamaṭcán y mintalacapaṣtacnicán ²⁴ y camalacatzuquítit saṣti latámat la tí apenas lakahuán. Camasítit tlahuayátit tú lacasquín Dios y lapanántit la tí calacsacnit natamacuaní.

²⁵ Huá ccaliakastacyahuayán yaj calaliakskahuinántit, cahuántit tú xlicana acxni catachihuinanántit mintacristianoscán porque para liṭanuyátit ixmacni Cristo tú tlahuá chaṭum huḱ xamakapitzi tamaklhcatzí. ²⁶ Acxni sitziyátit nítí calisitziṭapuspítit xlacata ni natlahuayátit talakalhín y catacamájtít aktzonksuayátit mintasitziacán nac aktum chichíní ²⁷ xlacata tlajaná ni nacamanuniyán lixcájnít ixtalacapaṣtacni. ²⁸ Tí ixkalanán yaj cakalhánalh y catzúculh chalhcátnán la miníní xlacata tlan nacalimaktayá tú tamaclacasquín xamakapitzi. ²⁹ Nicxni cahuántit laclixcájnít tachihuín chá cahuántit lactlán tachihuín nima nacamaktayá y natalilacapaṣtacnán xamakapitzi tí cakaxmatán. ³⁰ Huixín ni calimalakaputzítit milatamaṭcán Espíritu Santo nima camalakachán Dios xlacata nacalilakapasán huá liṭapaksiyátit amá quilhtamacú acxni nacamaxquí cristianos tú malacnunit. ³¹ Aquit ni cakatranká caḱhuaniyán yaj tú calalimapuhuanítit, yaj calatzonkcatzanítit, yaj calasitziínítit, ni calasláktit, ni calalikalkamanántit, ni para calatlahuanítit tú ni tlan.

³² Huixín catzaksátit acxtum lapaxquiyátit y lasipaacxilátit.

Calamatzankenánítit tú latlahuaníyátit chatum chatúm na chuná la camatzankenánin Dios mintalakalhincán tí lipahuanátit Cristo.

Pablo huan la ixlilatamatcán tí talipahuán Cristo

5 ¹ Aquit ccahuaniyán, para Dios calakalhamanítán camaksliehukétit la camán tí talakalhamán ixticucán. ² Quilhpaxtum calapaxquítit na chuná la Cristo quincapaxquín hasta litamáxtakli namaknicán xlacata naxokonaní Dios quintalakalhincán y Dios lakátihl tú tláhuah la acxni quincalá mucsun incienso nima lilakachixcuhuicán.

³ Huixín tí calacsacnitán Dios ni para calacpuhuántit limahuacayátit litzacatnanátit mimacnicán, ni para huak calakcatzántit. ⁴ Ni para calichihuínántit tú limaxaná, ni calalikalkhkanántit tú kalhiyátit nac mimacnicán, ni para huata calikalhkanántit tú litlahuayátit mimacnicán, porque namá ni quincamininiyán aquín. Chá mas tlan calipaxcatcatzínú Quimpuchinacán tú tlahuanit. ⁵ Huixín milicatzitcán xlacata nac ixtapáksit Cristo y xla Dios ni lá ama tatanú amá cristianos tí huata talipahuán la natakskahuí ixtachacán o ixtakolucán o la natatlahuá tú lixcájnít, o la natalitzacatnán quimacnicán pues talitamakxtaka la catalakachixcúhuilh ixmacnicán. ⁶ Ni cacakskahuín namá cristianos tí tatalacatlaní tahuán ni laclanca talakalhín tatlahuanit porque ixtasitzi Dios ama calakchán namá tí ni takahuánán.

⁷ Huixín ni cacamaksliehukétit ni para cacatayátit namá cristianos ⁸ porque masqui xapulh na chuná capaklhtutá ixlapulayanántit, chí litlahuampanántit ixtaxkáket Quimpuchinacán. Huá calihuaniyán camasítit namá taxkáket nac milatamatcán. ⁹ Pues tí takalhi taxkáket nac ixnacujcán tlan tacatzí, tancs talamana y talakapasa ixtalacapastacni Dios. ¹⁰ Aquit camaksquinán calacputzátit la puhuanátit lakatí Quimpuchinacán nalatapayátit. ¹¹ Huixín ni cacamaksliehukétit namá tí tatlahuá tú lixcájnít capaklhtutá y acxni ni cacxilhmaça; huixín chá cacamalaksítit tú tatlahuá. ¹² Xlacán lhuhua tú lixcájnít tzeq tatlahuá hasta limaxaná lichihuínancán. ¹³ Pero acxni calitachihuínancán taxkáket tamasí tú tzeq tatlahuanit porque tí lakchán taxkáket staranca lacahuahuán. ¹⁴ ¿Ni catziyátit la huan Dios nac Escrituras? Pues chuné huan:

Calacastacuánanti huix para lhtatápat;
cataxtu para lápat nac ixpulatamancán nin
xlacata Cristo naliakskalhlinán ixtaxkáket.

¹⁵ Ixlimaklhuhua ccahuaniyán tlan calilacahuánántit la lapanántit; ni calatapátit la laktakalhín cristianos, calatapátit la lakskalala cristianos.

¹⁶ Tlan camaclacasquintit minquilhtamacujcán porque tuhua jaé quilhtamacú nima pulamanaú. ¹⁷ Huixín ni catlahuátit tú ni camacuaniyán, calacputzátit tlahuayátit nac milatamatcán tú lacasquín Dios.

¹⁸ Huixín nī huata calitapatzamátit cuchu porque acxni mas tlahuacán tatzacatni, huixín chá camasítit talitzamá minacujcán Espíritu Santo.

¹⁹ Y acxni lātachihuīnanátit calāhuanítit salmos, alabanzas y laclān tachihuīn nīmā camalacpuhuanīyān Espíritu Santo. Calakachixcuhuítit y catlīnítit Quimpuchinacán ixlihuāk minacujcán ²⁰ xlacata napaxcatcatziniyāu Quinticucán Dios tú tlahuanīt quilacatacán tí lipahuanāu Quimpuchinacán Jesucristo.

²¹ Nīcxni calīmakxtáktit lakaxpatniyátit chatum chatúm tú milītlahuatcán la lacputzayátit macuanīyátit Quimpuchinacán.

Tí tatamakaxtoknīt catarālakalhámalh

²² Xalacchaján tí tatamakaxtoknīt catakáxmatli tú calīmapaksí ixtakolucán, nā chuná la takaxmata Quimpuchinacán. ²³ Porque lacchixcuhuīn tacpuxcún ixmahūinacán nā chuná la Cristo cacpuxcún tí talīpahuán y caksántit la calakmáxtulh tí talīpahuán porque calīmanú la ixmacni. ²⁴ Huá ccalīhuaniyān lacchaján catakáxmatli tú calīmapaksí ixtakolucán nā chuná la cristianos tí talīpahuán Cristo takaxmata tú calīmapaksí.

²⁵ Xalacchixcuhuīn tí tatamakaxtoknīt catapáxquīlh ixtachātcan nā chuná la Cristo calakalhamán tí talīpahuán y nī lakcátzalh macamástalh ixlistacni xlacata nacalakmáxtú. ²⁶ Namá cristianos tí talīpahuán y tachékelh ixtalakalhīncán acxni tatakmúnulh y tacanājlah ixtachihuīn, xlá camatunujnīt la chatum tasquín tzumat ²⁷ xlacata tlan lipaxáu nacamaklhtinán la nītú catalitzacátnalh, la nītú catalīmakatzánkālhl tú natalīmaxanán, sino que natachán ixlacatīn nītú ixkasatcán la minīnī xatasquín tzumat. ²⁸ Huá ccalīhuaniyān, lacchixcuhuīn catalakalhámalh ixtachātcan nā chuná la talakcatzán ixmacnicán. Namá chixcú tí lacasquín nītú catzankānilh nā tamaclacasquiní calacpútzalh nītú natzankānī ixtachat. ²⁹ Porque ¿ticu yá cristiano nī lakcatzán ixmacni? ¡Nītí! Huāk tamahuí y tacuentaja, y Cristo nā chuná cacuentaja tí lipahuanāu ³⁰ pues chatunu aquín lītanuyāu ixmacni. ³¹ Xahuá caksántit la huan Dios nac Escrituras: “Chatum chixcú namakxtaka ixticú ixnana y nataalakxtumí amá puscat tí ixtachat nahuán y entonces ixchatuycán natalītanú la chatum cristiano.” ³² Tuhua makachakxicán jaé tú ccahuanín pero masí xlacata Cristo y aquín tí lipahuanāu lītanuyāu la chatum cristiano. ³³ Pero chí ccahuaniparayān chatunu lacchixcuhuīn catalakalhámalh ixtachātcan nā chuná la talakcatzán ixmacnicán, y lacchaján catarespetartlāhualh ixtakolucán.

La ixlīlatamātcán camanán, xanaticún, patrón y tasācua

6 ¹ Huixín camanán cakaxpáttit tú talīmapaksínán minaticún porque lakatí Dios. ² Camán camalacapastacayān la mapaksínalh Dios y tú

camalacnúnihl tí natakaxmata: “Cacalakalhamántit mintata y mintzé³ xlacata lipaxáu makás quilhtamacú nalatapaya caquilhtamacú.”

⁴ Huixín xanaticún nī cacamakasitzítit mincamancán, chá calacputzátit camakastacátit natakahuanán y cacamasínítit la natalipahuán Quimpuchinacán.

⁵ Huixín tí camascujucanátit cakaxpáttit tú talimapaksinán tí cacpuxcunán, cakahuanántit, caca respetartlahuátit, cascújtít ixlihuak minacujcán la caliscújtít Cristo. ⁶ Nī huata acxni camaktakalhpacántit xlacata nī nacakahuanicanátit, tó; huixín siempre cascújtít ixlihuak minacujcán la talichalhcātnán Cristo tí talakatí tamakantaxtí tú lacasquín Dios. ⁷ Huixín nī caktzonkcatzántit acxni scujátit, capaxahuátit la caliscújtít Quimpuchinacán y nī cristianos tí camapaksiyán. ⁸ Pues caksántit xlacata Quimpuchinacán ama camaxquí ixtaxokoncán tí tatlahuá tú tlan la chatum tastán tasacua y la tí nī kalhí tí mapaksí.

⁹ Huixín xapuchinanín tascujut, ccahuaniyán cacalakalhamántit mintasacuacán nī huata cacamakaklhátit, caksántit xlacata huixín y mintasacuacán huata kalhiyátit chatum Mimpuchinacán nac akapún y xlá acxtum cacxilhlacachán cristianos.

Tlajaná camakatlajaputún tí talipahuán Jesús

¹⁰ Litacamán, aquit ccamaksquinán nī calimakxtáktit lipahuanátit Quimpuchinacán xlacata nakalhiyátit licamama y chuná xlá na nī nalimakxtaka camaxquiyan ixlitlihueke. ¹¹ Huixín nī calimakxtáktit cucayátit namá litlihueke nīma camaxquinítán Dios xlacata natayaniyátit acxni nataranicátit tlajaná. ¹² Porque cataraniccán cristianos nī snun licuánit la acxni cataraniccán ixlitlihuekecán namá tí talapulá caunín ixlitlanca caquilhtamacú, la xanapuxcun tlajananín, la licuánit xakascahuirín tí takastacyahuá cristianos catatzacātnalh, y tí taktlakahuacanán catatláhuah cristianos tú nī tlan. ¹³ Huá calihuaniyán nī calimakxtáktit līlapuliyátit ixlitlihueke Dios xlacata tlan nacamakatlajayátit namá tlajananín acxni cataraslakán, y para tayaniyátit tlan mas tancs nalipahuanátit Dios.

¹⁴ Huixín catziyátit soldados acxni taranica, takxpakatahuacá la cinturón, na chuná huixín cakxpakatahuacátit tancs ixtalacapastacni Dios; xlacán tacuxmutahuacá licán xlacata nacamaklhtinán, huixín na chuná cacuxmutahuacátit tancs milatamatcán. ¹⁵ Soldados tatatunú zapatos nīma tlan talitanú canihuá, huixín na chuná lacapala capítit canihuá xlacata tlan nalichihuinanátit la Dios calakmaxtú cristianos.

¹⁶ Soldados takalhí escudos nīma talichipapaxtoka licán, huixín na chuná cakalhítit la escudo tancs lipahuanátit Dios xlacata nalichipapaxtokátit ixlitlihueke tlajaná. ¹⁷ Xlacán tataknú cascós, huixín na chuná cakalhítit nac miakxakacán xlicana calakmaxtunitán Cristo.

¹⁸ Aquit ccahuaniyán skálalh calatapatit nī calimaktáktit kalhtahuakayátit, camaksquíntit Espíritu Santo cacamacxcatzínin tú tlan camaxquiyán Dios. Siempre camaksquíntit Dios cacamaktakalhni y cacamaktákalhli xamakapitzi tí na talipahuán Dios. ¹⁹ Y aquit na caquilalikalhtahuakáu xlacata caquimacxcatzínilh Dios tachihuín nima naccahuaní quilhpaxtum cristianos ixlihuak quintapuhuán la tlan tataxtuní tí talipahuán Cristo. ²⁰ Dios quilimaktaknit nacmahuaní jaé lacsasti tachihuín masqui chí ctanuma cpulachín pues camaksquíntit nī cactatlájlilh xlacata tancs naclichihuínán la miníní.

²¹ Namá koxitá quinta camcán Tíquico nī akatzankanit liscujnit Quimpuchinacán y huá ama cahuaniyán la clamanáu y tú ctlahuama.

²² Aquit ccamalakachanimán xlacata nacatziyátit tú cpaxtoknitáu y nalipaxahuayátit tú nacalitachihuínán.

²³ Litacamán, Quinta tajeacán Dios y Quimpuchinacán Jesucristo cacamaxquín mas lipaxáu latámat, cacamasínin la mas nalalakalhamanátit huixín litacamán tí lipahuanátit Jesús.

²⁴ Quinticucán Dios cacacxilhlacachán y cacamaxquín tú makatzankayátit huixín tí xlicana paxquiyátit y tlahuayátit tú calimapaksiyán Quimpuchincán Jesucristo. Chuna calalh, amén.